



10.02.2022

UPA2022/53

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Mitit piniarneqartarnerisa sivitsorneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsiartunut ilaasorta q Jens NapãtôK', Naleraq).

Tunngavilersuut:

Naleraq isumaqarpoq mitit piniagaarsarnerisa piffissaat sivitsorneqarnissaat pisariaqartoq. Mitinik piniarnerup nalimmassarnera anguniarneqartariaqarpoq, mitit amerlavallaalermata.

Maani nunami inuunitta attatiinnarneranut tunngaviuvoq pisuussutininik uumassusilinnik atuinerput ulluinnarnilu nerisaralutigut, tamannali inooriaaseq ukiuni tuusindilinni attallutigut, attassinerullu periarfissanik pitsaasunik tunniussinissaa qulakkeerinnissaaq, piniagassanik isumalluuteqarnerup piujuaannartitsinnermik tunngavilimmik piniartutullu inuuniuteqarnerup ingerlatiinnarnissaa, tamannali taamaallaat anguneqarsinnaalluni pisuussutit uumassusillit illersornerisigut piaraasalu qulakkeernerisigut.

Naleqqap ilisimaaraa tamatta pisussaaffigigipput, sunniuteqarluartumik nakkutiilliinermik attassiinnarnissaa pingaaruteqarluinnartunut ilaasoq, anguniarneqassaasorlu nunami imaanilu pisuussutininik uumassusilinnik piujuaannartitsineq.

Pisuussutininik uumassusilinnik ingerlatsinermi piniartut akuutinneqarnerat qulakkeerneqassaaq piujuaannartitsinnermik atuinerup angutsernerani, ukiuni kingullerni piniartut kissaataasa tusaaneqartannngittaarnerat pillugu. Assersuutigalugu ukiuni kingullerni uteqattaartumik oqaaseqartarsimavugut piniartut kaammattuutaat, qilalukkat amerlassusaasa annertusuneqarnissaanut tapersersuilluta, neqissaqarniarnikkut unamminartorsiormata kiisalu aningaasatigut amikkitsisarmata.



Naleraq

Oqaluttuarisaanerup isaanik isilerluta kingumut qiviarutta, uppernarsarsinnaavarput allamiut piniagassaaterpassuatsinnik piniapilussimanerat, ilaatigut uumasogatigiit ilaat nungutaagajalluinnarlutik ilaatigullu uumasogatigiit ilaat nungutaalluinnarlutik, tamassumalu nassataraa innuttatta ilaannut inuunermi tunngaviit ukiorpassuarni neriuisimanerat taakkumi uagullu nerisarigatsigit inuunitsinnilu tunngavigalugit. Piniagassat suli inuussutitut atungaraagut inuunermilu tunngavigalugit.

Pinngortitaleriffiup 2013-mi siunnersuinerminni mitit pillugit oqaaseqaatimigut oqaatigaat, siunnersuutigalugu massakkut piffissaq upernaakkut piniarneq Kangaatsiap eqqaaniit Upernaviup avannaanut (1. april - 30. april) aalajagiusimasoq. Piaqqiornerup nalaani tunngaviumik eqqissimatitsineq pillugu annertussusiliinermi siunissami qiviunik katersisinnaaneq innersuunneqarsinnaangilaq. Massakkut upernaakkut piniartarnerup 2009-mi eqqunneqartup annertuumik nassatarereerpaq piaqqiorfinni annertuumik piniarneq naatsorsuutigineqarsinnaavorlu piniarneq suli annerulissasoq piffissaq pinarfiusoq annertusineqanngikkaluartoq¹.

KNAPK oqaloqatigalugu piniarnermut piffissaq sivitsorneqarsinnaavoq, Naleqqamiilli siunnersuutigerusupparput isorliunerusuni piniarnissamut periarfissiisoqassasoq, innuttaasut piffinni taakkunaniittut miterniarnermi ukiuuneranut nerisassanik pilisinnaanissamut periarfissinniarlugit.

90-kkut naalerneraniilli Upernaviup eqqaani miteqassuseq naatsorsorneqarnikuunngilaq piniartullu saaffiginninnerminni oqaatigisarpaat amerleriarujussuarsimasut.

Naleqqamiit akuerisinnaangilarput Naalakkersuisut innuttaasut ajornartorsiutaannik tusaajummannginnerat tamatumalu kinguneraa ajornartorsiutinik aaqqiinerit eqqarsaatigilluagaanatik innuttaasunut ajornartorsiutinik pilersitseqqiinnartarmata, pingaartumik inuuniarnerannut tunngasumik. Naleqqamiit naqissuseqqissavarput, Naleqqamiit arlaleriarluta kaammattuutigalugit saqqummiuttakkagut nunap innuttaat tusaaneqassasut aalajangiussanullu imminut tunngassusilinnut akuutinneqarnerullutik.

¹ <https://natur.gl/wp-content/uploads/2019/05/2013-oktober-Biologisk-r%C3%A5dgivning-om-ederfugl.pdf>



Naleraq

Tamanna apeqqusiinermik tunngaviliivoq mitit eqqissisimatitaanerattattatiinnarnerat eqqarsaataalluagaanersoq uppersarlugulu pisariaqartoq timmissamik kisitsinerup aallartinnissaa.

Uagut isumaqarpugut piniartut pissutsit qanoq innerat pillugit oqaaseqarnerat uppersassallugu. Naleqqap kissaatigaa miteqassusermik ingerlatsineq piviusut aallaavigalugit pissasoq amerlassusiannillu nalornisoqassappat innuttaasut oqaaseqarnerat tusaaneqassasut.

Timmissat nunatsinni uumasuusut assigiinngitsuni ukiisarfeqarput, piffissanngorporlu pissutsit piviusoq saqqummiunnissaat oqaluttoqartuaannarmammi timmissat amerlassusaat annikilluartortoq. Pinngortitaleriffiup oqaaseqaammi saqqummiussaminni 2013-meersumi nalunaarutigaa amerlassutsit tamakkiisut nalullugu.

Taamaammat timmissat amerlassusaannut kisitsisit annertussusaat paasissallugit pingaaruteqarpoq. Tamatumunngalu atatillugu pissusissamisoorpoq miterniarnerup ammaanneruneqarnissaa piniarnerini piffissat annertusineratigut, mitit amerlavallaalermata.

Taamatut oqaaseqaateqarlunga Naleraq sinnerlugu matumuuna saqqummiuppara aalajagiiffissatut tunngavik inersuami oqallisissatut Naleqqamiillu kissaatigaarput partiit allat, mitinik piniarnerup sivitsorneqarnissaanut siunnersuutitta taperseruneqarnissaa.

Pisortanut aningaasaqarnikkut allaffissornikkullu kinguneqaatit:

Siunnersuut akuerineqassappat nutaamik nalunaarusiortoqassaaq timmissat piniakkat illersorneqarnissaat pillugu massakut nalunaarutip atuuttup nr 17, 28. Oktober 2019-meersup taartissaanik. Naatsorsuutigineqanngilaq uani suliami aningaasatigut pisortanilu allaffissornerup 250.000 kr-t qaangernissaat tamassumalu nalingaa AC-fuldmægtigip ukiup affaanut sulinera .

Namminersorlutik inuussutissarsiortunut aningaasaqarnikkut allaffissornikkullu kinguneqaatit:

Siunnersuutip piniartut piniarnermut allagartamik atuuttumik periarfissaqartilissavai isertitat annerutsunissaanut tapertatut mitip neqaanik imminut pilersornerisa annertusinerannik, miterniarneq massakkumit sivilisunerusumik.



Naleraq

Innuttaasunut aningaasaqarnikkut allaffissornikkullu kinguneqaatit:

Siunnersuutip inuinnaat piniarnermut allagartamik atuuttumik periarfissaqartilissavai mitip neqaanik imminut pilersornerisa annertusinerannik, miterniarneq massakkumit sivilisunerusumik.